

ԱՅՍ ՄԱՍԻՆ ԽՈՍՎԵՑ ՓԱՐԻԶԻ ԽԱՂԱՂՈՒԹՅԱՆ 6-ՐԴ ԳԱԳԱԹԱԺՈՂՈՎՈՒՄ

ԻՐԱԿԼԻ ՂԱՐԻԲԱՇՎԻԼԻ. «ՀԱՅԱՍՏԱՆԻ ՀԵՏ ՄԻԱՍԻՆ, ՄԵՆՔ ԱՇԽԱՐՀՈՒՄ ԱՄԵՆԱԱՐԱԳ ԶԱՐԳԱՅՈՂ ՏՆՏԵՍՈՒԹՅՈՒՆՆ ՈՒՆԵՆՔ»

Ինչպես արդեն հաղորդել ենք, Վրաստանի վարչապետ Իրակլի Դարիբաշվիլին նոյեմբերի 10-ին Փարիզում, Ֆրանսիայի նախագահ Էմանուել Մակրոնի հրավերով, մասնակցեց «խաղաղության 6-րդ համաժողովին: Համաժողովի շրջանակներում, Վրաստանի վարչապետը, Հայաստանի վարչապետ Նիկոլ Փաշինյանի հետ միասին, մասնակցեց «Համագործակցությունը մրցակցության պայմաններում, խաղաղության կերտում եւ ավելի ապահով աշխարհի կառուցում» թեմայով պանելային քննարկմանը: Ստորեւ ներկայացնում ենք Իրակլի Դարիբաշվիլու ելույթը (մասնակի կրճատումներով):



ԿԱՌԱՎԱՐՈՒԹՅՈՒՆՆԵՐԸ ՊԵՏՔ Է ՀՆԱՐԱՎՈՐ ԱՄԵՆ ԻՆՉ ԱՄԵՆ ԽԱՂԱՂՈՒԹՅՈՒՆ ՀԱՍՏԱՏԵԼՈՒ ՀԱՄԱՐ

- Նախ, խորին շնորհակալություն եմ հայտնում այս գագաթաժողովի կազմակերպիչներին: Հետաքրքրությամբ լսեցի ու ցանկանում եմ միանալ

ին թանկագին գործընկեր ու բարեկամ, վարչապետ Փաշինյանի շնորհակալական խոսքերին եւ Ֆրանսիայի նախագահ Մակրոնին շնորհակալություն հայտնել այս ձեւաչափի կազմակերպման ու մեզ հրավիրելու համար:

(Շարունակությունը՝ 2-րդ էջում)

ՊԵՏՔՅՈՒՋԵ - 2024

ԼԱՇԱ ԽՈՒՅԻՇՎԻԼԻ. «ԱՇԽԱՐՀՈՒՄ ԶԿԱ ԱՅՆՊԻՍԻ ԵՐԿԻՐ, ՈՐՏԵՂ ԸՆՏՐԱԿԱՆ ՏԱՐԿԱ ԲՅՈՒՋԵՈՎ ՊԱԿԱՍՈՐԴՆ ՈՒ ԱՐՏԱՔԻՆ ՊԱՐՏՔԸ ՆԿԱԶԵՑՎԻ»



Նոյեմբերի 15-ին Վրաստանի ֆինանսների նախարար Լաշա Խուցիշվիլին երկրի խորհրդարանին ներկայացրեց 2024 թվականի պետական բյուջեի կառավարության կողմից հավանության արժանացած նախագիծը:

Վրաստանի ֆինանսների նախարար Լաշա Խուցիշվիլու խոսքով, հետհամաճարակային շրջանում Վրաստանի տնտեսությունը երկնիշ տնտեսական աճ է գրանցել երկու տարվա ընթացքում, ապա 2023 թվականին տնտեսությունը վերադառնում է նախահամաճարակային փուլ եւ շարունակում զգալիորեն աճել:

(Շարունակությունը՝ 4-րդ էջում)

ԵՆԹԱԿԱՌՈՒՅՑ

ԹԲԻԼԻՍԻ ՄԵՏՐՈՊՈԼԻՏԵՆԸ՝ ԿԵՆՏՐՈՆԱԿԱՆ ԻՇԽԱՆՈՒԹՅԱՆ ՈՒՇԱԴՐՈՒԹՅԱՆ ԿԵՆՏՐՈՆՈՒՄ

Նոյեմբերի 16-ին Վրաստանի վարչապետ Իրակլի Դարիբաշվիլու, ֆինանսների նախարար Լաշա Խուցիշվիլու եւ Թբիլիսիի քաղաքապետ Կախա Կալաձեի հանդիպմանը որոշում կայացվեց՝ Թբիլիսիի մետրոպոլիտենի վագոնների վերանորոգման համար պետությունից հատկացնել 475 մլն եվրո:

Հանդիպմանը քննարկվեցին նախագծի մանրամասները, եւ պլանավորվեց հետագա քայլերը:

(Շարունակությունը՝ 2-րդ էջում)



ՆԻԿՈԼ ՓԱՇԻՆՅԱՆ. «ԿՅԱՆԿԱՆԱՅԻ ՈՂՋՈՒՆԵԼ ԵՎՐԱԶԱՆՁՆԱԺՈՂՈՎԻ ՈՐՈՇՈՒՄԸ. ՄԵՆՔ ՀԱՅՈՂՈՒԹՅՈՒՆ ԵՆՔ ՄԱՂԹՈՒՄ ՎՐԱՍՏԱՆԻՆ՝ ԱՅՍ ՃԱՆԱՊԱՐՀԻՆ»

Նոյեմբերի 10-ին Հայաստանի վարչապետ Նիկոլ Փաշինյանը, Վրաստանի վարչապետ Իրակլի Դարիբաշվիլու հետ Փարիզի «խաղաղության 6-րդ համաժողովի» շրջանակներում անցկացրած համատեղ պանելային քննարկմանը, իր խոսքում վրաց գործընկերոջը շնորհավորեց Վրաստանին եվրամիության թեկնածուի կարգավիճակ շնորհելու մասին եվրահանձնաժողովի կողմից ընդունած որոշման կապակցությամբ:



- Կարծում եմ՝ սա շատ կարևոր գործընթաց է, եւ մենք շատ ուշադիր հետեւում ենք զարգացումներին: Մենք հույս ունենք եւ մաղթում ենք ամենայն հաջողություն Վրաստանին՝ այս ճանապարհին: Դժբախտաբար, ինչպես վարչապետ Դարիբաշվիլին ասաց, մենք աշխարհում ունենք բազմաթիվ կոնֆլիկտներ, եւ մեր մի-

ասնական խնդիրն է շարունակել աշխատել հասցեագրելու բոլոր կոնֆլիկտները՝ հասկանալով, որ դա հեշտ չէ: Եթե դա հեշտ լիներ, վաղուց լուծված կլիներ: Մեր անձնական ու քաղաքական պարտականությունն է՝ հասցեագրել կոնֆլիկտը եւ անել առավելագույնը հաջողության հասնելու համար, - ասաց Հայաստանի վարչապետը:

ՆՈՅԵՄԲԵՐԻ 16-Ը՝ ՀԱՆՂՈՒՐԺՈՂԱԿԱՆՈՒԹՅԱՆ ՄԻՋԱԶԳԱՅԻՆ ՕՐ

ԵՆՈՐՀԱԿԱՆԱԳԻՐ՝ ԻՐԻՆԱ ԺԱՄԿՈՉՅԱՆԻՆ «ՀԱՆՂՈՒՐԺՈՂԱԿԱՆՈՒԹՅԱՆ ԱԶԱԿԻՑ» ԳԼԽԱՎՈՐ ՊԱՐԳԵՎԸ՝ ԴԻՄԻՏՐԻՈՍ ԿԱՐԱԲԱԼԻՍԻՆ

Նոյեմբերի 16-ին՝ «Հանդուրժողականության միջազգային օրվա» կապակցությամբ, Թբիլիսիի սակրեբուլոյին առընթեր ազգային փոքրամասնությունների համակարգող խորհրդի նախաձեռնությամբ, միջոցառում անցկացվեց նաեւ մայրաքաղաքի սակրեբուլոյում:



Միջոցառմանն ելույթ ունեցան սակրեբուլոյի նախագահ Գիորգի Տղենալաձեն, Վրաստանի խորհրդարանի պատգամավոր Ռիմա Բերաձեն, հաշտեց-

ման եւ քաղաքացիական իրավահավասարության հարցերով պետնախարարի առաջին տեղակալ Լիա Գիգաուրին:

(Շարունակությունը՝ 6-րդ էջում)

ԱՅՍ ՄԱՍԻՆ ԽՈՍՎԵՑ ՓԱՐԻԶԻ ԽԱՂԱՂՈՒԹՅԱՆ 6-ՐԴ ԳԱԳԱԹԱԺՈՂՈՎՈՒՄ

ԻՐԱԿԼԻ ՂԱՐԻԲԱՇՎԻԼԻ. «ՀԱՅԱՍՏԱՆԻ ՀԵՏ ՄԻԱՍԻՆ, ՄԵՆՔ ԱՇԽԱՐՀՈՒՄ ԱՄԵՆԱՐԱԳ ԶԱՐԳԱՅՈՂ ՏՆՏԵՍՈՒԹՅՈՒՆՆ ՈՒՆԵՆՔ»

(Սկիզբը՝ 1-ին էջում)

Ինչպես ասաց Նիկոլ Փաշինյանը, ներկա դրությամբ, աշխարհում շատ են հակամարտություններն ու չկարգավորված ճգնաժամերը: Ո՞ւմ վրա է անդրադառնում այս ճգնաժամը՝ Ժողովրդի, մեր բնակիչների, մեր քաղաքացիների վրա: Ապրում ենք անորոշ եւ անկանխատեսելի ժամանակներում: Օրինակ, Ուկրաինայի պատերազմի ակնառեսներն ենք, որի ավարտը չի երեւում...

Մերձավոր Արեւելքում ճգնաժամ է, որը շատ վտանգավոր է, տեսնում ենք սառեցված դիմակայություն նաեւ Վրաստանում: Տեսնում ենք մեր բռնազավթված տարածքները եւ կարգավորման ելք չենք գտնում: Շատ են հակամարտությունները Աֆրիկայում եւ աշխարհի ցամաքացած կետում: Ուստի, այս բոլոր ճգնաժամների եւ հակամարտությունների պատասխանն ու ելքը միայն խաղաղությունն է... Կառավարությունները հնարավոր ամեն ինչ պետք է անեն խաղաղություն հաստատելու համար: Ուստի, ցանկանում ենք օգտվել առիթից եւ խոսել Վրաստանի հաջողության հասնելու գործընթացի մասին, ցանկանում ենք նշել, թե ինչի ենք հասել վերջին տասնամյակի ընթացքում:

«ՎՐԱՍՏԱՆԸ ՀԱՏ ՕՐՅԵԿՏԻՎ, ԱՆԿՈՂՄԱԿԱԼ ԲԱՐԵՎԱՍ Է, ՈՐԻՆ ՀԱՅԱՍՏԱՆԸ ՈՒ ԱՐԻԲԵՋԱՆԸ ՎՍԱՅՈՒՄ ԵՆ»

Վրաստանը բազում հիմնախնդիրներ եւ մարտահրավերներ է տեսել: 2008 թվականի պատերազմից հետո, եւս մեկ մեծ պատերազմ ունեցանք: Այն սկսվեց Ուկրաինայում եւ, կարծում եմ, որ դա բոլորիս համար վիթխարի մարտահրավեր է: Անկախ նրանից՝ այն առաջիկայում կարվի, թե ոչ, կգարգանա առավել բարդ սցենարներով, միեւնույն է, այն ազդեցություն կունենա եւ մեզ վրա:

Բնականաբար, մեր տարածաշրջանում, հարեւան երկրներում՝ Հայաստանում եւ Ադրբեջանում, իրավիճակը բոլորիս մտահոգում է: Բազմիցս ասել եմ եւ հիմա էլ կկրկնեմ, որ Վրաստանը շատ օբյեկտիվ ու, կասեի, անկողմնակալ միջնորդ է, մեղիատոր եւ ֆասիլիտատոր ու բարեկամ, որին երկու երկրներն էլ վստահում են: Հիանալի հարաբերություններ ունենք Հայաստանի եւ Ադրբեջանի հետ: Անձամբ վստահելի հարաբերություններ ունեմ երկու երկրների ղեկավարների հետ: Հետեւաբար, Վրաստանի շահերից է բխում երկարաժամկետ, տեւական խաղաղությունն ու կայունության ապահովումը մեր տարածաշրջանում:

Ավելացնեմ նաեւ, որ երկու տարի առաջ հաջողությամբ անցկացրինք թվով առաջին միջնորդությունը եւ, դրանով իսկ, նախադեպ ստեղծեցինք վարչապետ Փաշ-

ինյանի ու նախագահ Ալիևի հետ միասին, երբ Ադրբեջանը, Վրաստանի միջնորդությամբ, ազատ արձակեց 15 գերիների, իսկ Հայաստանը նրան հանձնեց ակնապատ տարածքների քարտեզները: Այսպիսով, Վրաստանը կարողանում է հասնել արդյունքների, եւ գտնում եմ, որ տվյալ պարագայում վճռորոշը վստահության գործոնն է: Երբ մի կողմը մյուսին առաջարկում է միջնորդի դեր, նրանք երկուսն էլ պետք է վստահեն: Եթե վստահություն չկա, միջնորդությունը եւս հաջող չի լինի:

«ՄԵՆՔ ԸՆՏՐԵԼ ԵՆՔ ՈԱԶՄԱՎԱՐԱԿԱՆ ՀԱՄԲԵՐՈՒԹՅԱՆ ՔԱՂԱՔԱԿԱՆՈՒԹՅՈՒՆ»

Մեր կառավարությունը կարողացավ մեր երկրում հաստատել անմախաղեպ, չընդհատվող խաղաղություն ու կայունություն: Վրաստանի նախկին իշխանություններն օրոք տեղի էին ունենում պատերազմներ, հակամարտություններ, քաղաքացիական պատերազմ, տարածքների կորուստ: Սա միակ ժամանակահատվածն է, երբ Վրաստանում ո'չ մի կռիվ չի եղել, ո'չ էլ տարածքներ ենք կորցրել, ընդհակառակը՝ հոգում ենք, հարստանում եւ հզորացնում մեր երկիրը: Դա բարեկեցություն է բերում մեր բնակիչներին, մեր ժողովրդին:

Ինչ խոսք, բռնազավթման հետ կապված կրկին մարտահրավերներ ունենք: Այն չի վերացել, սակայն ընտրել ենք ռազմավարական համբերության քաղաքականությունը: Ինչու եմ խոսում հիմա այդ մասին: Կամ հարցեր, որ չենք կարողացել կարգավորել: Դրա համար անհրաժեշտ է համբերություն, երկարաժամկետ ռազմավարություն եւ գործողության ծրագիր, որը պետք է ընդունենք, պետք է հետեւողական լինենք այդ ծրագրի կատարման գործում:

«ԻՆՁ ԲԱՆՏ ՎԻՃԱԿՎԵՑ ՍՏՈՐԱԳՐԵԼ ԵՎՐԱՄԻՈՒԹՅԱՆ ՀԵՏ ԱՍՈՑԻԱՏԱՆ ՀԱՄԱՁԱՅՆԱԳԻՐԸ»

Վերջին տասը տարիների ընթացքում Վրաստանը շատ գրավիչ ու տպավորիչ բարեփոխումներ իրականացրեց: 2014 թվականին ինձ բախտ վիճակվեց ստորագրել Եվրամիության հետ Ասոցացման համաձայնագիրը, Եվրամիության հետ ձեւակերպվեց նաեւ ազատ առեւտրի համաձայնագիրը, անայցեգրային պայմանակարգ ստացանք Եվրամիության տարածքում: Անցյալ տարին եւս պատմական էր, քանի որ մեզ շնորհվեց Եվրոպական հեռանկար: Երկու օր առաջ կրկին պատմական էր, Եվրահանձնաժողովի կողմից ընդունվեց որոշում: Այն Եվրոպական խորհրդին երաշխավորեց Վրաստանին շնորհել թեկնածուի կարգավիճակ: Դա պատմական ձեռքբերում է: Ինչո՞ւ: Որովհետեւ Վրաստանը եւ վրաց ժողովուրդը, մեր կառավարությունը եւ մեր կառավարող կուսակ-

ցությունը կոնկրետ որոշում ենք ընդունել, որը անշրջելի է եւ նախատեսում է մերձեցում Եվրոպային: Նախատեսվում է Եվրամիության լիարժեք անդամակցություն: Այդ ուղղությամբ հետեւողականորեն, քայլ առ քայլ ընթանում ենք, մոտենում մեր ազգային երազանքին:

«ՄԵՐ ԵՐԿՐԻ ԵՐԿՐՆԵՐՆ ԻՐԱՎԱՆԱՑՆՈՒՄ ԵՆ ԽԵԼԱՄԻՏ ՔԱՂԱՔԱԿԱՆՈՒԹՅՈՒՆ ԵՎ ԱՐԴՅՈՒՆԱՎԵՑ ԿԱՌԱՎԱՐՈՒՄ»

2012 թվականից հետո, երկրի էկոնոմիկան եռապատկվեց: Այսպիսին է լարիի կուրսի ամրացման եւ ըստ շնչի համախառն ներքին արտադրանքի (ՀՆԱ) տեսանկյունից, որի ծավալը վերջին երեք տարիների ընթացքում կրկնապատկվեց: Արժեզրկման ցուցանիշը շատ ցածր է: Հայաստանի հետ միասին, աշխարհում ամենաարագ զարգացող տնտեսությունն ունենք, եւ դա պատահական չէ, քանի որ մեր երկու երկրները իրականացնում են ճյուղային խելամիտ քաղաքականություն ու արդյունավետ կառավարում: Հենց այդ պատճառով ունենք տնտեսական բարձր աճ՝ ի բարօրություն մեր ժողովուրդների: Այդ ամենի արդյունքում էլ առաջանում են նոր աշխատատեղեր:

«ՎՐԱՍՏԱՆԻՆ, ՀԱՅԱՍՏԱՆԻՆ ԵՎ ՄՅՈՒՄ ԵՐԿՐՆԵՐԻՆ ԱՆՀՐԱՊԺԵՇ Է ԽԱՂԱՂՈՒԹՅՈՒՆ»

Վրաստանը, ինչպես եւ Հայաստանը, փոքր երկրներ են, բայց՝ ուժեղ ազգերով, պետք է շահագրգռված լինեն խաղաղության պահպանման, կայունության եւ բնակիչների բարեկեցության ապահովման: Հիշեցնեմ նաեւ, որ մենք երկրագնդի վրա հնագույն ազգերից ենք:

Այսպիսով, մեր մոտեցումը հետեւյալն է՝ ժողովրդին եւ, ընդհանուր առմամբ, աշխարհի ազգերին անհրաժեշտ է հստակ պարզություն: Ներկայումս նման բան չեմ տեսնում, կանխագծումներ չկան, ոչ ոք չի կարող ասել, թե ինչ կլինի վաղը:

Ո՞վ կարող է կարգավորել նման հիմնախնդիրները: Մեծ երկրները, գերտիրությունները: Կրկնում եմ՝ Վրաստանին, Հայաստանին, Ադրբեջանին եւ նման երկրներին անհրաժեշտ է Արեւմուտքի մեծ պետությունների հստակ մերձեցում:

Ավելացնեմ նաեւ, որ ընթացիկ տարվա հունվարին Դավոսում ասացի, որ հնարավոր է, կողմերը միմյանց չվստահեն, սակայն համագործակցությունը պետք է իրականացվի: Առանց խաղաղ երկխոսության, համագործակցության եւ բանակցությունների, խաղաղություն չի հաստատվի:

Վերջում եւս մեկ անգամ ցանկանում եմ շնորհակալություն հայտնել կազմակերպիչներին:

ՀԱՐԳԱՆՔԻ ՏՈՒՐՔ

ՎՐԱՍՏԱՆԻ ՎԱՐՉԱԴԵՏԸ ՄԱՍՆԱԿՅԵՅ ԲՈՆԱԶԱՎԹՎԱԾ ԱՐԽԱԶԻԱՅԻՅ ՏԵՂԱՓՈԽՎԱԾ ԱՆՀԱՅՏ ԿՈՐԱԾ ԱՆՁԱՆՅ ՀՈԳԵՀԱՆԳՍՏԻՆ


Նոյեմբերի 16-ին Վրաստանի վարչապետ Իրակլի Դարիբաշվիլին կառավարության անդամների հետ միասին մասնակցեց Արխազիայի բռնազավթված տարածքից տեղափոխված եւ 1990-ականների զինված գործողությունների ժամանակ անհետ կորած զինվորականների ու քաղաքացիական անձանց հոգեհանգստին:

Կառավարության ղեկավարը Սուրբ Երրորդության տաճարում հարգանքի տուրք մատուցեց հանգուցյալների հիշատակին եւ իր ցավակցությունը հայտնեց ընտանիքի անդամներին: Հայտնաբերված 20 անհայտ կորածներից 14-ը զինվորական են, վեցը՝ քաղաքացիական անձինք:

Հիշեցնենք, որ 1990-ականների զինված գործողությունների եւ 2008 թվականի օգոստոսյան պատերազմի անհայտ կորածների որոնման մեխանիզմների շրջանակներում առաջին անգամ նույնականացումն ու տեղափոխումն իրականացվել է 2013 թվականին: Մինչ այժմ մեխանիզմների շրջա-



Մական հայտնաբերվել է 604 մարդու դի, որից 265-ը նույնականացվել է:



ԻՍՐԱՅԵԼ-ՀԱՄԱՍ ՔՆՆԱՐԿՎՈՒՄ Է ՊԱՏԱՆԴՆԵՐԻ ՓՈԽԱՆԱԿՄԱՆ ՀԱՐՑԸ

Իսրայելի եւ ՀԱՄԱՍ-ի միջեւ Ղազայի հատվածում շարունակվող ռազմական դիմակայության պայմաններում, Իսրայելը եւ պաղեստինյան ՀԱՄԱՍ շարժումն ուսումնասիրում են բանակցությունների ընթացքում առաջարկված պատանդների փոխանակման տարբերակը «երեխաներ՝ երեխաների դիմաց» բանաձեւով:

Համապատասխան առաջարկը ստացվել է Կատարի եւ ԱՄՆ-ի միջնորդությամբ բանակցությունների ժամանակ:

ԱՄՆ ԺԱՄԱՆԱԿԱՎՈՐ ԲՅՈՒՋԵՌԻ ԻՍՐԱՅԵԼԻՆ ԵՎ ՈՒԿՐԱԻՆԱՅԻՆ ՀԱՎԵԼՅԱԼ ՕԳՆՈՒԹՅՈՒՆ ԶԻ ՆԱԽԱՏԵՍՎՈՒՄ

Կառավարության աշխատանքի դադարեցումից խուսափելու համար, ԱՄՆ Սենատն ընդունել է ժամանակավոր բյուջեի օրինագիծ, որը չի ներառում լրացուցիչ օգնություն Իսրայելին կամ Ուկրաինային:

Օրինագիծը, որին ավելի վաղ հավանություն էր տվել Ներկայացուցիչների պալատը, 87 կողմ, 11 դեմ ձայներով ընդունվել է Սենատի կողմից, որից հետո այն ուղարկվել է ԱՄՆ նախագահ Ջո Բայդենին ստորագրման նպատակով:

ԵՆԹԱԿԱՌՈՒՅՑ

ԹԲԻԼԻՍԻ ՄԵՏՐՈՊՈԼԻՏԵՆԸ՝ ԿԵՆՏՐՈՆԱԿԱՆ ԻՇԽԱՆՈՒԹՅԱՆ ՈՒՇԱԴՐՈՒԹՅԱՆ ԿԵՆՏՐՈՆՈՒՄ

(Սկիզբը՝ 1-ին էջում)

վորվեցին ապագայում իրականացվելիք քայլերը:

Ինչպես նշեց Թբիլիսիի քաղաքապետ Կախա Կալաձեն, նախագծի շրջանակներում, նախատեսվում է 212 միավոր ժամանակակից, միջազգային ստանդարտներով մետրոյի վագոնների գնում,

որոնք փուլ առ փուլ կմատակարարվեն, եւ հետագա 15 տարիների ընթացքում կիրականացվի գործող, բայց հնացած գնացքների փոխարինում: Նրա խոսքով, 212 վագոնը 45 գնացք է:

Նախագծի համաձայն, Սաբուրթալո գծի համար նախատեսված է չորս վագոնաց 13 միավոր, իսկ Ախմետելի-Վարկեթիլի գծի համար՝ 32 միավոր հինգ

վագոնաց գնացք:

Ինչպես նշեց Կախա Կալաձեն, նախագծի ընդհանուր բյուջեն կազմում է մոտ 475 մլն եվրո, եւ ամբողջությամբ ֆինանսավորվելու է պետական բյուջեից, ինչի համար շնորհակալություն հայտնեց Վրաստանի կառավարությանը եւ անձամբ վարչապետ Իրակլի Դարիբաշվիլուն:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԵՎՐԱԽՆՏԵԳՐՈՒՄ

ԴՐԱԿԱՆ ԳՆԱՀԱՏԱԿԱՆ՝ ՎՐԱՅԱԿԱՆ ՕՐԵՆՍԴՐՈՒԹՅՈՒՆԸ ԵՎՐՈՊԱԿԱՆ ՉԱՓԱՆԻՇՆԵՐԻՆ ՆԵՐՂԱՇՆԱԿԵՅՆԵԼՈՒ ԳՈՐԾԵՆԹԱՅԻՆ

Նոյեմբերի 17-ին Վրաստանի վարչապետ Իրակլի Դաիբաշվիլին հանդիպում ունեցավ պաշտոնական այցով Վրաստանում գտնվող Վենետիկի համաձայնագրով գլխավոր քարտուղար Սիմոնա Գրանատա-Սենգինի գլխավորած պատվիրակության հետ:

«Համդիպմանը կողմերը քննարկեցին Վրաստանի եւ Վենետիկի համաձայնագրովի համագործակցությունը, որը դիմամիկ գարգանում է:

Վարչապետը շնորհակալություն հայտնեց Սիմոնա Գրանատա-Սենգինին կառուցողական համագործակցության եւ վրացական օրենսդրությունը եվրոպական չափանիշներին ներդաշնակեցնելու գործընթացում ունեցած ներդրման համար: Նա նշեց, որ Վենետիկի համաձայնագրովը կարելու է խաղուն սահմանադրական եւ նորմատիվ դաշտի ու Վրաստանի ժողովրդավարական ինստիտուտներ-

րի ամրապնդման վերաբերյալ խորհրդակցություններում: Ինչպես նշեց Իրակլի Դաիբաշվիլին, Վրաստանը շարունակում է զգալի առաջընթաց գրանցել եվրամիությանն անդամակցելու ճանապարհին, եւ այս գործընթացում Վենետիկի համաձայնագրովի հետ արդյունավետ գործընկերությունը չափազանց կարելու է: Վարչապետը պատվիրակության անդամներին տեղեկացրել է եվրամիությունում ճանապարհին արդեն իսկ իրականացված բարե-



փոխումների մասին»,- նշված է հաղորդագրության մեջ:

Կողմերը պատրաստակամություն հայտնեցին շարունակել արդյունավետ երկկողմ համագործակցությունը:

ԳԵՐԱՏԵՍՉԱԿԱՆ



ԵՐԻՏԱՍԱՐԴԱԿԱՆ ԳՈՐԾԱԿԱԼՈՒԹՅՈՒՆ ԱՅԼԵՎՍ ԿԵՆԹԱՐԿՎԻ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆԸ

Վրաստանի կրթության նախարար Գիորգի Ամիլախվարու հայտարարությամբ, երիտասարդական գործակալությունը մշակույթի, սպորտի եւ երիտասարդության նախարարությունից կտեղափոխվի կրթության եւ գիտության նախարարություն:

Նրա խոսքով, հաջորդ տարվանից կծեւավորվի նոր նախարարություն, որը կանվանվի կրթության, գիտության եւ երիտասարդության

տասարդության քաղաքականությունն արդեն իսկ մեր նախարարության ներքո է, նպատակահարմար համարվեց երիտասարդական գործակալության գործունեությունը շարունակել կրթության եւ գիտության նախարարությունում: Արդյունքում, օրինագծերի ցանկը կներկայացվի խորհրդարան, եւ հաջորդ տարվանից մեզ մոտ կծեւավորվի նոր նախարարություն, որը կանվանվի կրթության, գիտության եւ երիտասարդության նախարարություն,- ասաց Գիորգի Ամիլախվարին:

ՕՐԵՆՍԴՐ

ԻՐԱԿԼԻ ԶԻՔՈՎԱՆԻՆ ՈՒ ԳԻՈՐԳԻ ԿԱԽԻԱՆԻՆ՝ ԽՈՐՀՐԴԱՐԱՆԻ ՆՈՐ ՓՈԽՆՈՍՆԱԿՆԵՐ

Նոյեմբերի 16-ին Վրաստանի խորհրդարանը լիազուցված նիստում Իրակլի Զիքովանուն եւ Գիորգի Կախիանուն ընտրեց խորհրդարանի փոխնախագահներ:

Քվեարկությանը երկուսի թեկնածույան էլ աջակցեց 84 պատգամավոր, դեմ ոչ ոք չի եղել:

Հիշեցնենք, որ նոյեմբերի 15-ին ընդունված փոփոխության համաձայն, խորհրդարանում փոխխոսնակների թիվը 5-ից

հասցվել է 7-ի, 3-ը՝ խորհրդարանական մեծամասնությունից, 3-ը՝ խորհրդարանական ընդդիմությունից:

Ըստ այդմ, ներկա դրությամբ, խորհրդարանի նախագահի տեղակալներն են Գիա Վոլսկին, Իրակլի Զիքովանին, Գի-



որգի Կախիանին, Արչիլ Թալակվաձեն եւ Ալթանդիլ Էնուքիձեն:

ՏԱՐԱԾԱՆԵՐՁԱՆ

ԱՆՍԼԵՍԱՔԻ. ՔԱՐԱՔԱՊԵՏԻ ՆԱԽԱՁԵՆՈՒԹՅԱՄԲ ՄԱՐԶԱԿԱՆ ԵՆԹԱԿԱՆՈՒՅՆԵՐԸ ԲԱՐԵԿԱՐԳՎՈՒՄ ԵՆ

Մարզական ենթակառուցվածքների բարելավման եւ առողջ ապրելակերպի հաստատման նպատակով, Ախալքալաքի մունիցիպալիտետի քաղաքապետ Մելքոն Մակարյանի նախաձեռնությամբ, վարչական միավորներում ակտիվորեն ընթանում են մինի մարզադաշտերի եւ մարզադահլիճների կառուցման աշխատանքները:

Կոթելիա գյուղի արդեն ունի նոր բազմաֆունկցիոնալ մինի մարզադաշտ:

ՆԻՆՈՇՄԻՆԴԱ. ՀԱՆԴԻՊՈՒՄ՝ «ՔԱՐԱՔԱՅԻՍԿԱՆ ՀԱՍՏԱՐԱԿՈՒԹՅԱՆ ՈՒԺԵՂԱՅՈՒՄ» ԾՐԱԳՐԻ ՇՐՋԱՆԱԿՆԵՐՈՒՄ

Նինոծմինդայի մունիցիպալիտետի քաղաքապետարանում, քաղաքապետ Անի Մոսոյանի մասնակցությամբ, տեղի ունեցավ հանդիպում «Քաղաքացիական հասարակության հզորացում» ծրագրի աշխատանքներում ներգրավված քաղաքապետարանի եւ սակրեբուլոյի աշխատակիցների ու «Hex-Epper Georgia» նախագծի միջանկյալ մոնիթորինգի փորձագետ Բուբա Ջափարլիի մասնակցությամբ:

Հանդիպմանը խոսեցին ծրագրի գործունեության մասին, կիսվեցին ստացած իրենց գիտելիքներով ու փորձով: Ուշադրություն բեռնեցին նաեւ քաղաքացիական բյուջետավորման արդյունքներին եւ մարտահրավերներին:

ՆՈՐ ՄԱՆԿԱՊԱՐՏԵՉՆԵՐ՝ ՓՈՔՐ ԽԱՆՉԱԼԻ, ՂՈՒԱԼԻՍ ԵՎ ՌՈԴԻՈՆՈՎԿԱ ԳՅՈՒՂԵՐՈՒՄ



Նախադպրոցական հաստատությունները, որոնք հանդիսավորությամբ բացվեցին Փոքր Խանչալի, Ղուլալիս եւ Ռոդիոնովկա գյուղերում, Նինոծմինդայի մունիցիպալիտետի քաղաքապետ Անի Մոսոյանի եւ սակրեբուլոյի նախագահ Վահան Արոյանի կողմից, կառուցվել են բնակչության խնդրանքով, քանի որ տասնամյակներ շարունակ այդ գյուղերում մանկապարտեզներ չեն եղել:

Մանկապարտեզների բացմանը, տեղական ինքնա-

կառավարման մարմինների ներկայացուցիչների եւ քաղաքացիների հետ, ներկա էր նաեւ Վրաստանի խորհրդարանի պատգամավոր Սմբատ Կյուրեղյանը:

Քաղաքապետ Անի Մոսոյանի խոսքով, նորակառույց մանկապարտեզներում ստեղծված են բոլոր պայմանները, որպեսզի երեխաները համապատասխան նախադպրոցական կրթություն ստանան:

ՄԱՌՆԵՈՒԼԻ. ՆՈՅԵՄԲԵՐԻ 20-ԻՆ ԿՆԵՎԻ «ՇՈՐԱՊԵՐԱ - 2023»-Ը

Մառնեուլիի մունիցիպալիտետի կենտրոնում միջնադարի վրաց բանաստեղծ, «Ընծենավոր» էպոսի հեղինակ Շոթա Ռուսթավելուն նվիրված «Շոթաթբա - 2023»-ը կնշվի նոյեմբերի 20-ին:

Մառնեուլիի քաղաքապետարանի տարածած հաղորդագրության համաձայն, միջոցառումը կնկնարկի Մառնեուլիի մշակույթի կենտրոնի դահլիճում: Միջոցառման շրջանակներում, կկազմակերպվեն տարբեր ժամանցային ու ճանաչողական միջոցառումներ: Ի դեպ, Մառնեուլիի քաղաքապետարանը «Շոթաթբա - 2023»-ը նշելու համար հայտարարել էր 11 հազար 690 լարիի մրցույթ:

Մառնեուլիի սակրեբուլոն «Շոթաթբա» տոնի հաստատման աջակցել է 2021 թվականի օգոստոսի 6-ին: Հիշեցնենք, որ «Շոթաթբա» Վրաստանում նշվում է 1966 թվականից:

Պատրաստեց ԱՐԵՎԻԿԱ ՄԱՆՈՒԿՅԱՆԸ

ՆՈՅԵՄԲԵՐԻ 13-ԻՆ՝ 100 ՀԱՁԱՐ ՆԱՀԱՏԱԿՆԵՐԻ ՀԻՇՏԱԿԻ ՕՐ

Նոյեմբերի 13-ին Վրաց Ուղղափառ եկեղեցին նշեց 100 հազար նահատակների հիշատակի օրը:

Վրաստանի Կաթողիկոս-Պատրիարքի գահակից Շիրոն հավատացյալների հետ աղոթք բարձրացրեց Մետեխիի կամրջի վրա, ապա՝ ծաղկեպսակներ իջեցվեցին Քուռ գետը: 1227 թվականին թերիխիի զրավումից հետո, Ջալալեդդինի հրամանով, իրենց հավատքին նվիրված հարյուր հազար քրիստոնյաներ, ովքեր հրաժարվեցին փոխել իրենց հավատքը, գլխատվեցին եւ նետվեցին Քուռ գետը:

ՄԱՀԱՅԵԼ Ե ԹԵՆԳԻՉ ԿԻՏՈՎԱՆԻՆ

85 տարեկանում մահացել է Վրաստանի պաշտպանության նախկին նախարար, երկրի առաջին նախագահ Ջվիադ Գամսախուրդիայի տապալման ակտիվ մասնակից Թենգիզ Կիտովանին:

Թենգիզ Կիտովանին ավարտել է Գեղարվեստի ակադեմիան: 1970-ականներին նա սպանել էր մեքենավար մի տղամարդու եւ 12 տարի անցկացրել բանտում: Վրաստանի անկախության առաջին ամիսներին նա գլխավորել է ազգային զվարդիան փաստացի դառնալով հանրապետության զինված ուժերի ստեղծողը:

ՈՒԿՐԱԻՆԱՅՈՒՄ ԳԵՐԵՎԱՐՎԵԼ Ե ԵՐԿՈՒ ՎՐԱՑ ԶԻՆՅԱԼ. ՋՈՐՎԱԾ ՎՐԱՑ ՄԱՐՏԻԿՆԵՐԻ ԹԻՎԸ ՀԱՍՏԱԿ 51-Ի

Ուկրաինայում Ռուսաստանի սանձազերծած պատերազմում ռուս զինվորականները Ուկրաինայի կողմից կռվող երկու վրացի կամավորի են գերեվարել:

Նշենք, որ ստացված տեղեկատվության համաձայն, ուկրաինական պատերազմում եւս մեկ վրացի մարտիկ է զոհվել: Այսպիսով, 2022 թվականի փետրվարի 24-ից Ռուսաստանի կողմից Ուկրաինայում պատերազմ սանձազերծելուց մինչ օրս 51 վրացի մարտիկ է զոհվել:

ՏԱՐԱԴՐԱՄԻ ՓՈԽԱՆԱԿԱՆ ԿՈՒՐՍԸ (17 ՆՈՅԵՄԲԵՐԻ)

Ազգային բանկի կողմից սահմանվել է տարադրամի հետեւյալ կուրսը.

Տարադրամ	Լարի
1 ԱՄՆ ԴՈԼԱՐ	2.7011
1 ԵՎՐՈ	2.9299
100 ՌՈՒԲԼԻ	3.0378
1000 ԴՐԱՄ	6.7305

